

## **5-9-өд классъяслы коми литератураысь программа дорö аннотация.**

Талун коми литература – бура сөвмөм искусство. Коми гижысьяслөн творчество восьтö уна сикас йöзлысь оласногсö, но медшöр темаөн кольö коми морт, сылөн этшыс да олöмсö гөгöрвоöмыс. Сідзкö, коми литература отсöгөн велöдчысь тöдмалö коми олöм да коми йöзöс, орччöдö чужан мусö да ас войтырöс мукöд муясөн, йöз котырьяскöд да велöдчö овны чужан культуралысь медбурсö босьтöмөн.

Литература вочавидзö том мортлөн уна юалöм вылö, велöдö радейтны олöм да пыдди пуктыны бур йöзöс, паныд сулавны лёклы, дорйыны бурсö.

Литература сөвмөдö лыддысьысьöс творческöя. Лыддысьысь мортмөвпалö гижысьөн лэптöм проблемаяс вылын, зильö гөгöрвоны геройяслысь характерьяссö, ловзьöдö ас вежöрас ловъя серпасьяс. Лыддысьысь тöд вылö босьтö гижан сёрни ногсö, выль кывъяс, шуöмъяс.

Коми литература велöдан могъяс:

- озырмöдны велöдчысьлысь пытшкөсса олöмсö, велöдны сійöс бурногөн инасьны йöз пöвстын;

- быдтыны сяма лыддысьысьöс, сөвмöдны том мортлысь ловсö, гижöдьяс донъявны-видлавны көсйöмсö;

- велöдны челядьöс ас ногөн да серпасьясөн мөвпавны;

- отсавны вежöртны коми йöзлысь олан этшсö, видзöдласьяссö, мортлунсö, мукöд йöзкöд йитöдсö;

- гөгöрвоöдны, мый коми литература – коми йöзлөн ыджыд шедöдöмтор, ас войтыр культуралөн сюрöс;

- чужтыны да сөвмöдны коми небöг радейтöм, комиён лыддысьны көсйöм;

- велöдны кужöмөн вöдитчыны коми кывйөн, кыпöдны гижан да сёрнитан сям.

5-9-өд классъясын велöдны коми литература кызди кыв искусство, тöдмалöны сылысь законьяссö. Та дырйи медшöр лыддянторнас да видлаланторнас лоö торъя гижöд. Программаö пыртöма коми гижысьяслысь медвына гижöдьяссö.